

Date : 30 September 2013
Title : Pensyarah IKIP, UNITEN juara INPEX 2013
Publication : Berita Harian
Page : 20

20 • NASIONAL



Pasukan Kolej Antarabangsa IKIP dan Universiti Tenaga Nasional Malaysia (UNITEN) meraih pingat emas pada pameran antarabangsa INPEX 2013 di Pittsburgh, Pennsylvania, Amerika Syarikat.

Pensyarah IKIP, UNITEN juara INPEX 2013

» Sistem audit SHFA bantu mudahkan JAKIM

Oleh Mohd Rafi Mamat
bhnews@bh.com.my

► Kuantan

Seorang pensyarah Kolej Antarabangsa IKIP (IKIP) yang berganding bahu dengan dua pensyarah Universiti Tenaga Nasional (UNITEN) menerima anugerah pingat emas pada Pameran Ekspo Reka Cipta dan Produk Baru (INPEX 2013) Pusat Konvensyen David L Lawrence, Pittsburgh, Amerika Syarikat, baru-baru ini.

Pensyarah IKIP, Rohayati Che Din bekerjasama dengan Profesor Madya Dr Salina Daud dan Noraina Mazuin Sapuan dari UNITEN bagi menghasilkan sistem audit Smart Halal Food Auditor (SHFA).

Sistem itu dapat memudahkan pihak industri memenuhi keperluan audit Jabatan Kemajuan Islam Malaysia (JAKIM).

Rohayati berkata, sistem

itu direka berdasarkan kajian ke atas industri makanan halal di Lembah Klang, Selangor, dua tahun lalu dan mendapati pihak industri menghadapi kesukaran mendapatkan pengesahan sijil halal JAKIM.

Lapan kategori

"JAKIM mengguna pakai sijil MS1500:2009 dan prosedur manual bagi tujuan audit industri makanan halal dan SHFA dapat memudahkan pihak industri memenuhi keperluan audit JAKIM."

"Ia dapat membantu pihak industri mengadakan pre-audit menggunakan lapan kategori seperti digariskan MS1500:2009," katanya yang berpuas hati de-

"Menerusi sistem SHFA ini, pengurus syarikat makanan halal boleh mengakses status persediaan syarikat untuk diaudit JAKIM"

Rohayati Che Din,
Pensyarah IKIP

ngan pencapaian di pentas antarabangsa itu.

Rohayati ketika ditemui di sini, semalam, berkata sistem SHFA boleh digunakan secara atas talian dan dapat memenuhi permintaan industri masa kini.

"Menerusi sistem SHFA ini, pengurus syarikat makanan halal boleh mengakses status persediaan syarikat untuk diaudit JAKIM," katanya.

Beliau berkata, kelebihan lain sistem itu juga ialah memudahkan pihak pengurusan syarikat memantau aktiviti audit dalaman yang dijalankan di syarikat walaupun mereka berada di luar negara.

Katanya, sistem itu turut memberi peluang kepada mereka untuk memuat naik gambar sebagai bahan bukti semasa audit bertujuan penambahbaikan.

"Saya berbangga kini ada beberapa pihak di negara ini yang menunjukkan minat untuk mengembangkan lagi sistem yang direka untuk digunakan syarikat tempatan dan antarabangsa."

"Apa yang diharapkan usaha berkenaan mencapai kejayaan yang diharapkan untuk kebaikan semua pihak membabitkan syarikat termasuk JAKIM," katanya.